

ORDENANZA REGULADORA DO PREZO PUBLICO POR OCUPACIÓNS DO SUBSOLO, SOLO E VOO DA VÍA PUBLICA

Artigo 1º.- Concepto.

De conformidade co previsto no artigo 58 en relación co artigo 20.3 letras e e k, ambos da Lei 39/1988, de 28 de decembro, reguladora das Facendas Locais, este concello establece o prezo público por utilizacións privativas ou aproveitamentos especiais do subsolo, solo e voo da vía pública especificado nas tarifas contidas no apartado 3 do artigo 3º seguinte, que se rexerá pola presente Ordenanza.

Artigo 2º- Obrigados ó pago.

Están obrigados ó pago do prezo público regulado nesta Ordenanza as persoas ou entidades as que se lles outorguen as licencias, ou quen se beneficie do aproveitamento se se procedeu sen a oportuna autorización.

Artigo 3º.- Contía.

1.- A contía do prezo público regulado nesta Ordenanza será a fixada nas tarifas contidas no apartado 3 seguinte.

2.- Non obstante o anterior, para as empresas explotadoras de servicios de subministros que afecten á xeneralidade ou a unha parte importante do vecindario, a contía do prezo público regulado nesta Ordenanza consistirá, en todo caso e sen excepción algunha, no 1,5 por 100 dos ingresos brutos procedentes da facturación que obteñan anualmente neste termo municipal ditas empresas.

A contía deste prezo público que puidera corresponder a Telefónica de España SA, está englobada na compensación en metálico de periodicidade anual a que se refire o apartado 1 do artigo 4º da Lei 15/1987, de 30 de xullo (Disposición Adicional oitava da Lei 39/1988 de 28 de decembro).

EPÍGRAFE

EUROS

Tarifa primeira.- Básculas, aparatos ou máquinas automáticas.

1. Por cada báscula, ó semestre 60,101210

2. Cabinas fotográficas e máquinas de xerocopias

Por cada unha, ó semestre 18,030363

3. Aparatos ou máquinas de venda de expedición automática de calquera produto ou servicio, non especificados en outros epígrafes. Por unidade ó Semestre 6,010121

Tarifa segunda.- Grúas

Por cada grúa utilizada na construción, do que o brazo ou pluma ocupe no seu percorrido o voo da Vía pública, ó semestre 60,101210

As contías que corresponde aboar pola grúa, pola ocupación do voo, é compatible coa que, no seu caso, proceda por ter a súa base ou apoio na vía pública. O pago deste prezo público non exime da obriga de obter a autorización municipal de instalación.

Tarifa terceira.- Outras instalacións distintas das incluídas nas tarifas anteriores:

1.Subsolo: por cada m3 do subsolo realmente ocupado, medidas as súas dimensións con espesuras de muros de contención, soleiras e lousas, ó semestre 0,601012

2.Solo: por cada m2 ou fracción, ó semestre 1,803036

3.Voo: por cada m2 ou fracción, medido en proxección horizontal, ó semestre 1,803036

Artigo 4º.- Normas de xestión.

1.- As contías esixibles con arranxo ás tarifas liquidaranse por cada aproveitamento solicitado ou realizado e serán irreducibles polos períodos de tempo sinalados nos respectivos epígrafes.

2. - As persoas ou entidades interesadas na concesión de aproveitamentos regulados nesta ordenanza, deberán solicitar previamente a correspondente licencia e realizar o depósito a que se refire o artigo seguinte.

3. - Unha vez autorizada a ocupación, se non se determinou con exactitude a duración do aproveitamento, entenderase prorrogada ata que se presente a declaración de baixa polos interesados.

4.- A presentación da baixa surtirá efectos a partir do día primeiro do período natural de tempo seguinte sinalando nos epígrafes das tarifas. A non presentación da baixa determinará a obriga de continuar aboando o prezo público.

Artigo 5º.- Obrigación de pago.

1.- A Obrigación de pago do prezo público regulado nesta Ordenanza nace:

a) Tratándose de concesións de novos aproveitamentos da vía pública, no momento de solicitar a correspondente licencia.

b) Tratándose de concesións de aproveitamentos xa autorizados e prorrogados, o día primeiro de cada un dos períodos naturais de tempo sinalados na tarifa.

2.- O pago do prezo público realizarase:

a) Tratándose de concesións de novos aproveitamentos, por ingreso directo na tesourería municipal ou onde establécese o concello, pero sempre antes de retirar a correspondente licencia.

Este ingreso terá carácter de depósito previo, de conformidade co disposto no artigo 47.1 da Lei 39/1988. de 28 de decembro, quedando elevado a definitivo ó concederse a licencia correspondente.

b) Tratándose de concesións de aproveitamentos xa autorizados e prorrogados, unha vez incluídos nos padróns ou matrículas deste prezo público, por semestres naturais nas oficinas de recadación municipal dende o día 16 do primeiro mes do semestre ata o día 15 do mes.

DISPOSICIÓN FINAL

A presente Ordenanza entrará en vigor unha vez publicada no Boletín Oficial da Provincia e comezará a aplicarse o mesmo día da súa publicación, permanecendo en vigor ata a súa modificación ou derogación expresa.